

**Udruženje roditelja djece sa
poteškoćama u razvoju
"Mala sirena"**

2022.

**GODIŠNJI IZVJEŠTAJ O
RADU UDRUŽENJA**



Adresa: AbdulVehaba Ilhamije bb, 72 220 Zavidovići

Kontakt telefon: +387/32/877-889; 062/078-392

E-mail: udruzenje.mala.sirena@hotmail.com

Web: www.malasirena.org

ID broj: 4218777270001

www.facebook.com/udruzenje.malasirena

ŠTA KAŽU DRUGI O NAMA

NAŠI ČLANOVI RODITELJI DJECE SA POTEŠKOĆAMA U RAZVOJU ❤️

Udruženje „Mala sirena“ je za nas roditelje i našu djecu utočište gdje se ne osjećamo drugačije nego vrijedni pažnje, ljubavi i još uz to dosta toga naučimo i vremenom postajemo bolji, jer samo vježba, učenje i pozitivno okruženje daju pozitivne rezultate. Tete i ostalo osoblje, naravno sa direktoricom Adisom, najviše doprinose tome, a mi smo im na tome zahvalni.

Toliko sam sretna da moje dijete uživa u vašem društvu. Nije lako odvojiti dijete od sebe ali kad vidim koliko uživa u igri i svim aktivnostima sa radošću ga ostavim. Hvala vam na vašoj ljubavi i brizi koju svakodnevno dajete mom djetetu i svim ostalim. Hvala na strpljenu. Hvala na vremenu.

NAŠI SUGRAĐANI ❤️

Čestitke na zalaganju i upornosti svih članova Male Sirene. Jedno udruženje koje na skali od 1 do 10 zasigurno mogu ocijeniti čistom 10-om. Smatram da ovo udruženje može biti primjer mnogim udruženjima kako se uspješno bori za svoje ciljeve zbog kojih je ovo udruženje i osnovano. Želim Vam puno sreće u budućem radu i uvijek vam stojim na raspolaganju za sve vidove pomoći.

VIZIJA

Želimo postati centar koji će pružati sve potrebne stručne ali i druge vrste usluga za djecu sa poteškoćama u razvoju i članove njihovih porodica i postati partner javnih ustanova i donosioca odluka s ciljem potpune inkluzije osoba sa invaliditetom.

MISIJA

Udruženje roditelja djece s poteškoćama u razvoju „Mala sirena“ je osnovano s ciljem unapređenja kvaliteta života, medicinske i socijalne zaštite djece s poteškoćama u razvoju i njihovih porodica. Udruženje je socijalna i humanitarna organizacija za poboljšanje obrazovanja, rada, uključivanja u društveni svakodnevni život, zaštite, brige i raznih vidova pomoći djeci s poteškoćama u razvoju. Udruženje ovakvog tipa nije luksuz već potreba. Potreba da se postojeće znanje i sposobnost stavi na raspolaganje onima kojima je potrebno i kojima će biti od koristi je također razlog našeg postojanja. Mišljenja smo da svako živo ljudsko biće ima svoje potencijale, talenat i kreativnost, kao i potrebu da živi u zajednici s drugima. Naša moralna odgovornost nam nalaže da pomognemo i vodimo brigu o onima kojima je to potrebno. Naš cilj jeste razvijanje raznih oblika pomoći, kao i razvoj ličnog rasta i razvoja, razvoj vještina te normalno funkcioniranje kako djece s teškoćama u razvoju tako i njihovih roditelja, te ih na taj način uključiti u svakodnevni društveni život.

OSNOVNO O NAMA

Udruženje „Mala Sirena“ iz Zavidovića je lokalna nevladina organizacija formirana 03.05.2012. sa ciljem inkluzije djece sa poteškoćama u razvoju u lokalnu zajednicu. Udruženje su pokrenuli roditelji djece sa poteškoćama u razvoju u pokušaju da zadovolje potrebe djece, ali i da razviju projekte i programe koji bi rezultirali adekvatnim politikama lokalne zajednice na pružanju socijalnih i obrazovnih mogućnosti za djecu sa poteškoćama u razvoju. Udruženje okuplja i pruža podršku za djecu i mlade sa poteškoćama u razvoju i članove njihovih porodica. Pri udruženju su angažovani stručnjaci različitih profila (defektolozi, psiholog, socijalni pedagog, odgajatelj, asistenti) koji realizuju aktivnosti sa korisnicima. Korisnicima je na raspolaganju kompletan set savremenih stručnih usluga koje su većinom nedostupne za ovu

kategoriju djece čak i u velikim gradovima BiH. Sve usluge su besplatne za korisnike. Pored djece i porodica iz Zavidovića, usluge udruženja koriste i porodice iz Žepča, Maglaja i Tešnja. Udruženje je dobitnik sljedećih priznanja: priznanje općinskog načelnika „Pohvala za unapređenje života u društvenoj zajednici“ i UNICEF-ovo priznanje „Šampion inkluzije“ kao i zahvalnice Pedagoškog zavoda ZDK i mnogobrojnih drugih zahvalnica. Udruženje je kao odgovoran i pouzdan partner dobilo veliki broj pisama preporuke: Pismo preporuke USAID-a, UNICEF-a, Federalnog ministarstva zdravstva, IN Fondacije, Kantonalnog ministarstva rada i socijalne politike ZDK i Ministarstva za ljudska prava i izbjeglice.


BROJ KORISNIKA USLUGA U 2022.GODINI	
DJECA SA POTEŠKOĆAMA U RAZVOJU	128
RODITELJI DJECE SA POTEŠKOĆAMA U RAZVOJU	60
OSTALI ČLANOVI PORODICA DJECE SA POTEŠKOĆAMA U RAZVOJU	15
DJECE TIPIČNOG RASTA I RAZVOJA	5
UKUPNO	208

REALIZOVANE AKTIVNOSTI U 2022.GODINI

Tokom 2022. godine Udruženje je realizovalo aktivnosti sa djecom i omladinom sa poteškoćama u razvoju i njihovim porodicama svaki radni dan u periodu od 8:00 do 16:00 sati.

Individualne stručne terapije

Ovu aktivnost smo organizovali u prostorijama udruženja svaki radni dan u periodu od 8:00 do 16:00 sati. Na osnovu procjene stručnog osoblja, djeca su bila uključena u redovan rad sa stručnjacima različitih profila: logopedski tretmani, defektološki tretmani, senzorna terapija i neurofeedback terapija. Ovo su usluge koje su dostupne u svega nekoliko gradova BiH.



Grupne stručne terapije

Rana intervencija – Ranu intervenciju su realizovala četiri terapeuta i asistent, radnim danima u periodu od 9:00 do 11:00 sati. Tokom boravka djece, realizovali smo niz aktivnosti kao što su imitacija uz pjesmicu, održavanje lične higijene, poligon sa preprekama, defektološki i logopedski tretmani, senzorna terapija te slobodna igra.

Inkluzivne igraonice – Inkluzivne igraonice su realizovali odgajatelj, terapeut i asistent, radnim danima u periodu od 11:15 do 15:45 sati. U sklopu ove aktivnosti organizovali smo edukativno-kreativne igraonice za grupu djece sa poteškoćama u razvoju i djece tipičnog rasta i razvoja. Sa djecom se radilo po programu koji sadrži grupne aktivnosti (jutarnja pjesmica uz imitaciju, predstavljanje i pozdravljanje, jutarnja gimnastika, poligon ili igra u dvorištu, usmjerene aktivnosti gdje se sa djecom obrađuju razne teme i razvija fina motorika i čitanje priče a između aktivnosti slobodna igra). Terapeut i odgajatelj su vršili opservaciju djece u vršnjačkoj grupi i na osnovu opservacije pripremali različite aktivnosti za razvijanje dječijih vještina, interesovanja i talenata ali i smanjivanju “društveno neprihvatljivih ponašanja”.



Kratki boravak

Kratki boravak su organizovali asistent i socijalni pedagog. Kratki boravak do 4 sata dnevno se organizovao po principu rezervacije prije na dan ili dva gdje su roditelji mogli ostaviti svoju djecu ili odraslu osobu sa poteškoćama u razvoju u prostorijama udruženja. U kratkom boravku s djecom su se organizovali edukativni sadržaji u skladu sa njihovim mogućnostima i interesovanjima, boravak u snoozel sobi, boravak u dvorištu, pružanje psihološke i socio-medicinske pomoći itd.



Kućne posjete

Psiholog i socijalni pedagog su realizovali kućne posjete za porodice koje imaju teško pokretnu ili nepokretnu djecu i odrasle.



Grupni i individualni rad porodica sa psihologom

Organizovali smo grupne i individualne seanse sa psihologom za porodice djece i odraslih sa poteškoćama u razvoju.



Radionice za djecu i porodice

Organizovali smo kreativne i edukativne radionice za djecu, roditelje i članove porodica djece sa poteškoćama u razvoju.



Asistencija u nastavi

Pružali smo asistenciju u nastavi za učenike sa poteškoćama u razvoju uključene u niže razrede osnovne škole.



Promotivne aktivnosti "Kafa za sve" i "Trčimo za inkluziju"

Realizovali smo promotivnu aktivnost "Kafa za sve" u sklopu koje smo obilježili 10. rođendan Udruženja u Centru za kulturu gdje su naša djeca izvela bogat kulturno - umjetnički program. Na promotivnom događaju "Trčimo za inkluziju" počasni gost je bio Amel Tuka.



Očekujemo Vas... Budite dio naše priče, jer kafa spaja ljude

Kafa za sve!

Svojim dolaskom uveličajte naš događaj, popijte kafu s nama i iskažite svoju podršku za djecu sa poteškoćama u razvoju.

Utorak, 10.05.2022. u 14,00 sati
CENTAR ZA KULTURU ZAVIDOVIĆI

Deseti rođendan udruženja

USAID MALA SIRENA

Aktivnost se realizuje u sklopu projekta Servis centar za podršku porodicama djece i odraslih s poteškoćama u razvoju »Mala sirena« u Zavidovićima koji je podržan od strane USAID-a.


Radionice u prirodi

Realizovali smo izlete u Ajdinoviće, Kamenicu i na Farmu magaraca gdje smo realizovali radionice u prirodi .



Banjsko liječenje za 16 djece i mladih sa 90 i100% invalidnosti uz pratnju jednog roditelja

U decembru 2022. godine, 16 djece i mladih sa cerebralnom paralizom i drugim teškim oboljenjima je provelo 14 dana u banji "Reumal" Fojnica u pratnji jednog roditelja.



Nabavka još jednog neurofeedback aparata

Potpisali smo ugovor sa LDS Charities za nabavku neurofeedback aparata i pustili aparat u rad 3.12. 2022.godine.



Ekskurzija u Sarajevo

Posjetili smo Sarajevo i uživali u obilasku grada i predivnom druženju.





Posjeta kasarni u Zenici


Posjetili smo kasarnu u Zenici i uživali u novim iskustvima i toploj dobrodošlici.



Podjela bajramskih i novogodišnjih paketića za članove udruženja



Teambuilding i edukacije osoblja udruženja



Prva faza izgradnje objekta

Realizovali smo prvu fazu izgradnje objekta (prizemlje sa pločom) vrijednosti 172.034 KM Izvođač radova je bila firma EMBAS GRAD Zavidovići.





OSTALE AKTIVNOSTI

Izradili smo veliki broj pravilnika i procedura, anketirali članstvo, osoblje i javnost, radili na podizanju svijesti javnosti kroz medijske nastupe i objave putem društvenih mreža. Uputili smo inicijativu prema Ministarstvu za rad, socijalnu politiku i izbjeglice ZDK i prema Ministarstvu za obrazovanje ZDK. Vijećnik Haris Hodžić je uputio inicijativu za povećanje transfera u budžetu Grada Zavidovići za redovne aktivnosti udruženja, koja je usvojena u decembru 2022. godine. Izradili smo Knjigu grafičkih standarda i uveli finansijski softver za projektno računovodstvo. Potpisali smo Protokol o saradnji sa školama Grada Zavidovići i Centrom za socijalni rad Zavidovići.

VRSTA USLUGE	BROJ KORISNIKA USLUGE	BROJ PRUŽENIH USLUGA
KRATKI BORAVAK	13	90
DEFEKTOLOŠKI TRETMAN	55	2064
LOGOPEDSKI TRETMAN	77	1740
NEUROFEEDBACK TRETMAN	26	1055
PODRŠKA U NASTAVI	6	682
SENZORNA TERAPIJA	43	760
RANA INTERVENCIJA	16	858
INKLUZIVNA IGRAONICA	27	1962
SOCIOMEDICINSKA PODRŠKA	36	360
PSIHOLOŠKA TERAPIJA	24	32
GRUPNA PSIHOLOŠKA TERAPIJA	53	58
RADIONICE	71	205
KUĆNE POSJETE	11	18
OPSERVACIJE	9	15
UKUPAN BROJ PRUŽENIH STRUČNIH USLUGA		9899

OSTALE USLUGE ZA DJECU I ČLANOVE NJIHOVIH PORODICA

VRSTA USLUGE	BROJ KORISNIKA USLUGA
IZLETI	103
BANJSKO LIJEČENJE 14 DANA	32

FINANSIRANJE AKTIVNOSTI

Udruženje je pratilo i redovno apliciralo na projektne pozive koji su bili u skladu sa ciljevima Udruženja. Navedene aktivnosti udruženja su realizovane zahvaljujući odobrenim projektima ali i mjesečnim sponzorima Udruženja, članovima prijateljima i donacijama pojedinaca.

**UGOVORI SA DONATORIMA POTPISANI U TOKU 2021. GODINE ČIJE SU AKTIVNOSTI DJELOMIČNO
ILI U POTPUNOSTI REALIZOVANE U TOKU 2022. GODINE**

NAZIV PROJEKTA	PROJEKTNE AKTIVNOSTI	DONATOR	PERIOD PROVOĐENJA	VRIJEDNOST UGOVORA ZA KOMPLETAN UG.PERIOD (BAM)
Servis centar za podršku porodicama djece i odraslih sa poteškoćama u razvoju "Mala sirena"	Individualni defektološki, logopedski, neurofeedback tretmani , senzorna terapija, inkluzivna igraonica i rana intervencija za djecu 2 do 4 godine starosti, kratki boravak, psihološka podrška, radionice, promotivne aktivnosti, asistenti u nastavi.	USAID/ INSPIRE	1.10.2021.- 30.9.2022.	63.245,22
Izgradnja objekta za rad sa djecom sa poteškoćama u razvoju – druga faza	Sufinansiranje izgradnje prizemlja.	RAIFFEISEN BANKA	11.7.2022.- 30.9.2022.	3.000,00

**UGOVORI SA DONATORIMA POTPISANI U TOKU 2022. GODINE ČIJE SU AKTIVNOSTI U POTPUNOSTI
ILI DJELIMIČNO REALIZOVANE U TOKU 2022.GODINE**

NAZIV PROJEKTA	PROJEKTNE AKTIVNOSTI	DONATOR	PERIOD PROVOĐENJA PROJEKTA	VRIJEDNOST UGOVORA ZA KOMPLETAN UG.PERIOD (BAM)
Therapiestation für Kinder mit Entwicklungsschwieri gkeiten"	Individualni defektološki, logopedski, neurofeedback tretmani , senzorna terapija, inkluzivna igraonica i rana intervencija za djecu 2 do 4 godine starosti.	Red Chairity Austrija	1.1.2022.- 31.12.2022.	77.479,92
Servis centar za podršku porodicama djece i odraslih sa poteškoćama u razvoju "Mala sirena"	Individualni defektološki, logopedski, neurofeedback tretmani, senzorna terapija, inkluzivna igraonica i rana intervencija za djecu 2 do 4 godine starosti, kratki boravak, psihološka podrška, radionice, promotive aktivnosti, asistenti u nastavi	USAID/ INSPIRE	3.10.2022.- 2.10.2023.	57.544,29

Individualne i grupne stručne terapije za djecu sa poteškoćama u razvoju	Individualni defektološki, logopedski, neurofeedback tretmani, senzorna terapija, inkluzivna igraonica i rana intervencija za djecu 2 do 4 godine starosti	Federalno ministarstvo rada i socijalne politike	1.9.2022.- 1.12.2022. god.	16.569,83
Pružiti mi ruku da nisam sam	Radionice u prirodi (sportsko-rekreativni centar Ajdinovići, Kamenica, Farma magaraca) edukativne radionice o štetnosti alkohola, cigareta, droge I kocke, kreativne radionice, radionice sa psihologom, promotivna aktivnost "Sarajevo je i moj grad"	FMON	1.10.2022.- 1.12.2022.	4.148,00
Medicinska rehabilitacija djece i mladih sa cerebralnom paralizom i drugim teškim oboljenjima	Banjsko liječenje u banji Reumal Fojnica za 16 djece i mladih sa 90 i 100 % invalidnosti	Federalno ministarstvo zdravstva	4.11.2022.- 23.12.2022.	24.681.00

Nabavka neurofeedback opreme	Nabavka neurofeedback aparata i prateće opreme	LDS Charities	Novembar 2022.	28.957,50 (donacija u opremi)
Servis centar za podršku porodicama djece i odraslih sa poteškoćama u razvoju "Mala sirena"	Kratki boravak do 4 sata dnevno, individualni i grupni tretmani sa psihologom, radionice za omladinu i odrasle, defektološki, logopedski i neurofeedback tretmani, podrška u učenju, tretmani senzorne terapije, rana intervencija, inkluzivna igraonica, kućne posjete i podrška u nastavi	URED PREMIJERA ZDK	1.10.2022.- 31.12.2022.	2.000,00
Nabavka peleta	Nabavka peleta	Ahmadija muslimanski džemat	Oktobar 2022.	4.000,00 (donacija u peletu)

**UGOVORI SA DONATORIMA POTPISANI U TOKU 2022. GODINE
ČIJE PROJEKTNE AKTIVNOSTI ĆE BITI REALIZOVANE U TOKU 2023.GODINE**

NAZIV PROJEKTA	PROJEKTNE AKTIVNOSTI	DONATOR	PERIOD PROVOĐENJA	VRIJEDNOST UGOVORA (BAM)
Izgradnja objekta za rad sa djecom sa poteškoćama u razvoju – druga faza	Zidanje sprata objekta	BH TELECOM	Proljeće-ljeto 2023.godine	10.000,00
		BH POŠTA		1.000,00

GRAD ZAVIDOVIĆI je sufinansirao projekte i redovne aktivnosti udruženja sa 21.500,00 KM (**Tekući transfer za sufinansiranje troškova redovnog rada i projekata Udruženja „Mala sirena“ za 2022. godinu**)

Pored navedenih projekata, udruženje je u toku 2022. godine realizovalo prvu fazu izgradnje objekta. Uz pomoć donacija i članarina udruženje je u periodu januar 2021. – avgust 2022. godina kupilo zemljište površine 1700 m², vrijednosti 105.000 KM, izradilo idejni i glavni projekat, dobilo građevinsku dozvolu, obezbijedilo priključak električne energije i realizovalo prvu fazu građevinskih radova (zemljani radovi i prizemlje sa pločom-grubi radovi). Ukupna površina objekta je 501,00 m² (stambeni dio) i to 228,60 m² prizemlje i 272,40 m² sprat. Objekat će sadržavati 4 kabineta za defektološke tretmane, kabinet za neurofeedback terapiju, logopedski kabinet, prostoriju za senzornu terapiju, igraonicu sa radnom sobom, garderoberom, kupatilom i terasom, kuhinju sa trpezarijom, prostoriju za biblioteku didaktičkog materijala, tri wc-a, kabinet za fizioterapiju, zbornicu, dvije kancelarije, ostavu, dva balkona i krovnu terasu. Vrijednost radova izvedenih u 2022. godini na izgradnji objekta iznosi 172.034 KM.

MEDIJSKI NASTUPI

Realizovane aktivnosti (fotografije i video snimke) smo redovno objavljivali na našoj fb stranici

<https://www.facebook.com/udruzenje.malasirena>

koju trenutno prati 7700 osoba i web stranici

www.malasirena.org.

Naše aktivnosti su medijski propratili FTV, BHRT, Smart TV, Radio Kameleon, Radio 1503 Zavidovići, Naša riječ, Kakanj - X.com, zdici.info, snagalokalnog.ba, mreza-mira.net, avaz.ba, radiosarajevo.ba, telegraf.rs, regional.rs, zamisli.ba, Impuls i drugi.

Pored navedenog, poznati atletičar Amel Tuka je objavio na svojoj zvaničnoj stranici prilog o našoj promotivnoj aktivnosti. "Trčimo za inkluziju". Mreža za izgradnju mira je objavila promotivni video o radu Udruženja „Mala sirena“ pod nazivom „Šampioni inkluzije iz Zavidovića, Mala sirena pravi velika čuda“! koji je objavljen i u TV serijalu HYDE U PARK. Linkovi medijskih nastupa se mogu pronaći na našoj web stranici u sekciji **Medijski nastupi**.

ORGANIZACIONA STRUKTURA

Predsjednica skupštine: Izabela Sinanović

Izvršna direktorica udruženja: Adisa Mahovac

Upravni odbor: Lejla Aljić (predsjednica UO), Pava Ilić (član UO), Adis Humkić (član UO), Amela Bećirović (član UO)

Skupština Udruženja: Redovni članovi Udruženja (roditelji djece sa poteškoćama u razvoju)

OSOBLJE KOJE JE REALIZOVALO AKTIVNOSTI SA KORISNICIMA

Edita Mahovac – defektolog-logoped, neurofeedback terapeut

Ina Mahmutagić-Zukić – defektolog-logoped, neurofeedback terapeut

Aida Aličić – psiholog, terapeut senzorne integracije

Natali Džambo – defektolog- logoped

Melisa Mrđanović – socijalni pedagog/terapeut

Almina Mušić Fehrić – odgajatelj

Adisa Dendić – asistent u radu sa djecom

Edina Bešlija – projekt asistent /administrativni radnik/asistent u nastavi



USAID
OD AMERIČKOG NARODA

Godišnji izvještaj je objavljen uz podršku američkog naroda putem Američke agencije za međunarodni razvoj (USAID). Sadržaj izvještaja isključiva je odgovornost Udruženja roditelja djece sa poteškoćama u razvoju „Mala sirena“ i nužno ne odražava stavove USAID-a niti Vlade Sjedinjenih Američkih Država.